

右造式所起請云、頃年國司到任所後、未勘知前、申請官符、規要留京、量其本情、無有他計、爲貪事力及公麻田、徒損公家、還潤私門、論之政途、甚無謂、伏望如此輩、永停宛給、以絕奸慮、但別有仰事、暫被徵召、未經一年、歸於國者、不在此限者、從三位大納言兼左近衛大將陸奧出羽按察使藤原朝臣基經宣奉勅依請、

貞觀十二年十二月廿五日

〔延喜式二十二民部〕凡國司已下、到任之徒、留京者、停給事力、并公麻田、但殊被徵召、未經一年、歸國者、不在此限、○中

凡志摩國司、不充事力、其職田五町、以伊勢國田給之、

國博士  
醫師

〔續日本紀二十七稱德〕天平神護二年五月乙丑、太政官奏曰、准令諸國史生博士、醫師、國無大小、一立定數、

但據神龜五年八月九日格、史生之員隨國大小各有等差、其博士者總三四國一人、醫師者每國一人、○中朝議平章博士總國一、依前格、醫師兼任更建新例、職田事力公麻之類、並給正國、不給兼處、有料之國名爲正任、無料之國名爲兼任、○中庶令經術之士周遍宣揚功勞之人、普蒙霑潤、奏可、

鎮守府

〔享祿本類聚三代格六〕乾政官謹奏

陸奧國鎮守府給公麻事力事

將軍准守 將監准掾 將曹准目

若帶國者不須兼給

右件府官人、離家遠任、理須矜恤、伏請自今以後、准件並給、臣等商量如前、伏聽勅裁、謹以申聞、謹奏、奉勅依奏、

天平寶字三年七月廿三日

〔類聚國史八十四政理〕弘仁元年五月壬子、東山道觀察使正四位下兼陸奧出羽按察使藤原朝臣緒嗣言